

學

易

五

種

周易辯占 四之一

卷第十二

毗陵王 獻學

言易者勤分象數義理不知言義理而不本象數則其所爲義理者必泛濫而無所準言象數而不本義理則其所爲象數者亦厯雜而失所歸自漢人說經混入緯候虞仲翔又本參同契爲緣飾至以西南得朋爲得明象數之失久矣輔嗣伊川起而矯之勢使然也而鉤隱洞極僞託之書踵出焉曾絜靜精微之教而有是乎夫易中之象卦畫而已天地雷風山澤水火猶後

也易中之數著策而已一二三四五六七八九其
本也朱子以卜筮爲易本教故其論著法有獨
詳然 本朝安溪先生篤信朱子易義而於奇
劫變占之說不無異同是真能不阿好者茲據
本義啓蒙著卦考誤之旨參以李氏通論與內
外傳占法而芟繁錄要爲辯占

著策

說卦昔者聖人之作易也幽贊於神明而生著

陸氏德明曰著蒿屬易以爲數天子九尺諸侯七
尺大夫五尺士三尺毛詩艸木疏曰似藟蒿青色

科生

王齋胡氏曰龜策傳云天下和平王道得而蓍莖長丈其叢生滿百莖下有神龜守之上有雲乞覆

之

案此所謂天生神物也然本義據此釋生蓍不如鄒氏謂生此用蓍之法其義優也

參天兩地而倚數

說見半古本義朱子圖全方半之說似非易所自有也

繫辭傳天一地二天三地四天五地六天七地八天九地十

本義曰此言天地之數陽奇陰耦卽所謂河圖者

也

愚案當兼洛書詐見圖牘

天數五地數五五位相得而各有合天數二十有五

地數三十凡天地之數五十有五此所以成變化而

行鬼神也

詳見圖賸

大衍之數五十其用四十有九分而爲二以象兩卦

一以象三揲之以四以象四時歸奇於扚以象閏五

歲再閏故再扚而後挂

大衍詳半古本義

本義曰兩謂天地也挂縣其一於左手小指之間

也三三才也揲閒而數之也奇所揲四數之餘也

扚勒於左手中三指之兩閒也閏積月之餘日而

成月者也五歲之閒再積日而再成月故五歲之

中凡有再閏然後別起積分如一挂之後左右各

一揲而一扚故五者之中凡有再扚然後別起一挂也

朱子稽卦考誤曰五十之內去其一但用四十九策合同未分是象太一也以四十九策分置左右

兩手左手象天右手象地是象兩儀也

案兩儀以天地言

挂猶縣也於右手之中取其一策縣於左手小指之間所以象人而配天地是象三才揲數之也謂先置右手之策於一處而以右手四四而數左手之策又置左手之策而以左手四四而數右手之策也皆以四數是象四時奇零也扚勒也謂既四

數兩手之策則其四四之後必有零數或一或二
或三或四左手者歸之於第四第三指之間右手
者歸之於第三第二指之間而扚之也象閏者積
餘分而成閏月也凡筭後閏相去大略三十二月
在五歲之中此挂一揲四歸奇之法亦一變之間
凡一挂兩揲兩扚爲五歲之象其閏凡兩扚以象
閏是五歲之中凡有再閏然後置筭挂扚之策復
以見存之策分二挂一而爲第二變也

易學啓蒙曰大衍之數五十而蓍一根百莖可當
大衍之數者二故揲蓍之法取五十莖爲一握置

其一不用以象太極而其當用之策凡四十有九
信手中分以象兩儀而挂右手一策於左手小指
之間以象三才遂以四揲左手之策以象四時而
歸其餘數於左手第四指閒以象閏又以四揲右
手之策而再歸其餘數於左手第三指閒以象再

閏

原注五歲之象挂一一也揲左二
也劫左三也揲右四也劫右五也是爲一變其

挂劫之數不五卽九得五者三所謂奇也

原注五
除挂一

卽四以四約之爲一故得九者一所謂耦也

原注
九除

爲奇卽兩儀之陽數也
挂一卽八以四約之爲二故爲耦卽兩儀之陰數
也王齋胡氏曰左一則右必三左二則右亦二左
三則右必一通挂一爲五凡初揲而得五者有此
三揲也左四則右亦四通挂一爲九凡初揲而得

九者只有一變之後除并餘數復合其見存之策
此一樣也

或四十或四十四

挂劫除五則過揲存四十四除九則存四十

分挂揲

歸如并法是爲再變其挂劫者不四卽八得四者

二所謂奇也得八者二所謂耦也

原注不去挂一餘同并義玉齋

胡氏曰左一則右必二左二則右必一通挂一爲
四是得四者凡有二樣也左三則右必四左四則
右必三通挂一爲八是再變之後除并兩次餘數
得八者凡有二樣也

復合其見存之策或四十或三十六或三十二

挂劫

若兩次除五四則過揲存四十除九四及
五八則存三十六除九八則存三十二

分挂揲

歸如并法是謂三變其挂劫者如再變例三變既

畢乃合三變視其挂劫之奇耦以分所過陰陽之

老少是謂一爻

玉齋胡氏曰五四為奇九八為耦三奇為老陽兩奇一耦為少陰兩

耦一奇為少陽三耦為老陰也

為老陽者挂扚之數十有三除初

挂之一為十有二為一者三

一箇四策為三

積三三

之數為九

案參天則以三為奇故三奇成九

過揲之數三十有六

以四約之亦得九焉為少陰者挂扚之數十有七

除初挂之一為十有六為一者二為二者一

二箇四策

為二二即耦也

積二二一二之數則為八

案兼參天兩地故二奇一耦成

八過揲之數三十有二以四約之亦得八焉為少

陽者挂扚之數十有一除初挂之一為二十為

二者二為一者一積二二二三之數則為七

案兼參天

兩地故二耦一奇成七過揲之數二十有八以四約之亦得

七焉爲老陰者挂扚之數二十有五除初挂之一

爲二十有四爲二者三積三二之數則爲六案兩地則

以二爲耦故三耦成六過揲之數亦二十有四以四約之亦

得六焉凡此四者皆以三變皆挂之法得之蓋經

曰再扚而後挂又曰四營而成易其旨甚明注疏

雖不詳說然劉禹錫所記僧一行畢中和顧象之

說亦已補矣近世諸儒乃有弄一變獨挂後二變

不挂之說考之於經乃爲六扚而後挂不應五歲

再開之義且後兩變又止三營蓋已誤矣玉齋胡氏曰

注云分而爲二一營也挂一象三二營也揲之以
四三營也歸奇於扚四營也孔穎達疏云再扚而
後挂者既分天於左手分地於右手乃以四四揲
天之數最末之餘歸之合爲挂扚之一處是一扚
也又以四四揲地之數最末之餘又合於再所歸
之扚而總扚之是再扚而後挂也劉禹錫辯易九
六論云畢中和之學其傳原於一行禪師一行唐
開元時所作大衍原本議云綜盈虛之數五歲而
再閏蓋其衍法皆以再扚而後挂也畢中和有著
法其言三揲皆挂正合四營之義朱子亦謂畢氏
著法視疏義爲詳顧衆之說未許近世儒者若郭
雍所著著卦疑專以再扚而後挂每成一爻而
其載橫渠先生之言曰再扚而後挂每成一爻而
後挂也謂弟二弟三揲不挂也且謂橫渠之言所
以明注疏之失朱子辯之曰此說大誤恐非橫渠
之言也再扚者一爻之中左右再揲而再扚也一
挂再揲再扚而當五歲蓋一挂再揲當其不閏之
年而再扚當其再開之歲也而後挂者一變既成
又合見有之策分二挂一以起後變之端也今日
第一變挂而弟二弟三變不挂遂以當挂之變爲

世而象閏以不挂之變爲劫而當不閏之歲則與
大傳所云挂一象三再劫象閏者全不相應矣且
不數第一變之再劫而以第二第三變爲再劫又
使第二第三變中止有三營而不足乎成易之數
且於陰陽老少之數亦多有不合者其載伊川先
生之說曰再以左右手分而爲二更不重挂奇朱
子辯之曰此說尤多可疑然郭氏云本無文字則
其傳授之際不無差舛宜矣郭氏又云第二第三
揲雖不挂亦有四八之變蓋不必挂也朱子辯之
曰所以不可不挂者有兩說蓋三變之中第一變
屬陽故其餘五九皆奇數後二變屬陰故其餘四
八皆耦數屬陽者爲陽三而陰一皆圍三徑一之
術屬陰者爲陰二而陽二皆圍四用半之術也是
皆以三變皆挂之法得之後兩變不挂則不得也
三變之後其可爲老陽者十二可爲老陰者四可
爲少陰者二十八可爲少陽者二十雖多寡之不
同而皆有法象是亦以三變皆挂之法得之而後
兩變不挂則不得也郭氏僅見第二第三變可以
不挂之一端耳而遂執以爲說夫豈知其挂與不
挂之爲得失乃如此哉大抵郭氏他說偏滯雖多

而其爲法尚無甚戾獨此一義所差雖小而漢有
害於成卦變爻之法尤不可不辯愚嘗考之第一
變獨挂後二變不挂非特爲六劫而後挂三營而
成易於再劫四營之義不協且後二變不挂其數
雖亦不四則八而所以爲四入者實有不同蓋挂
則所謂四者左手餘一則右手餘二左手餘二則
右手餘一不挂則左手餘一右手餘一此四之所以不同
也挂則所謂八者左手餘三右手餘一此四之所以不同
右手餘三不挂則左手餘四右手亦餘四此八之
所以不同也三變之後陰陽變數皆參差不齊無
復自然之法象其可哉 林氏德久曰三變皆挂
凡六十四變爲老陽者十二爲老陰者四爲少陽
者二十爲少陰者二十八則陽多而陰少則
陽少而陰多然而陰陽之變各三十二此其適平
也若二三變不挂則一揲爲五者三爲九者一二
三揲爲四者三爲八者一故五四常多而九八常
少六十四變而爲老陽者至二十七爲老陰者一
爲少陰者二十七爲少陽者九此胡
氏所謂陰陽變數參差不齊者也

安溪李氏周易通論曰歸奇於扚其說有二一曰歸左右之餘於兩指之間也如此則奇爲餘而扚爲指閒一曰歸所挂之一於左右之餘也如此則奇爲一而扚爲餘案禮記王制曰祭用數之仂

案本

郭忠孝說則扚固爲餘義況曰歸奇於扚則是并兩而

一之辭也若曰歸餘指閒云爾則挂一亦於指閒而何以不言扚揲四者何所頓置而亦不言其處故知歸挂於扚之說是也然爲此說者曰以挂象閏而已故必曰後二變者不挂而但有扚也不挂爲五閏之歲故曰再扚而後挂也審如其說則當

曰三歲一閏否當曰六歲再閏不應曰五歲再閏
使五與再皆爲贖字而再劫再閏之文兩不相應
原注若以挂象閏當以再挂象再閏方得兩再字相應且自分挂揲歸皆有
所象獨劫無象乎劫無象而又曰歸奇於劫則劫
亦爲贖字矣愚故合二說而折之曰合挂與劫皆
以象閏也或曰以再劫應再閏而不及挂則挂非
閏也曰歸奇於劫則以劫爲主以挂爲主故以再
劫應再閏然挂實其起積之端故又曰再劫而後
挂也分先於挂如挂非象閏則應曰再劫而後分
不應曰再劫而後挂使挂又爲贖字也是故以挂

象閏者橫渠及郭氏之說也以劫象閏者疏家及朱子之說也合挂與劫皆以象閏者則愚之私見也案歸挂於劫之說始於虞仲翔虞易曰奇所挂一策劫所揲之餘不一則二不三則四也取奇以歸劫以閏月定四時成歲故歸奇於劫以象閏也至張橫渠始有第二第三揲不挂之說張子曰奇所挂之一也劫左右手四揲之餘也再劫後挂者每成一爻而後挂也謂第二第三揲不挂也郭氏雍本其先人忠孝之說以爲自唐以來以奇爲劫揲法多誤至橫渠而後奇耦復分今觀啓蒙著挂考誤之說則知無二三揲不挂之理觀安溪通論則知孔疏本義亦有未盡也

又曰挂爲乞盈劫爲朔虛乞盈則攬暮之成數而可知故分二之後卽除一而挂之也朔虛者計每月之空分而後得故逐揲之後乃存餘而劫之也

歸乞盈於朔虛而閏法立故歸奇於朞以象閏也
閏餘生於朔不盡周天之乞則朔虛者閏之本法
而乞原無盈也據十二月之成數而先除之則謂
之盈據十二朞之全策而先去之則謂之挂及其
積也通謂之朔虛可也故旣歸挂於朞則可以朞
槩之以再朞象再閏而不復及挂者此也然古人
以三百有六旬爲期之整數則乞盈者其起積之
端矣以四十八策爲著之整數則挂一者亦其起
積之端矣雖以再朞象再閏而又必曰再朞而後
挂者此也

乾之策二百一十有六坤之策百四十有四凡三百有六十當期之曰

本義曰揲著之法通計三變之餘去其初挂之一

凡四爲奇凡八爲耦奇圓圍三耦方圍四三用其

全耦用其半

案十六字似於易外增設積而數之不如直用參天兩地四字

則爲六七八九而第三變揲數策數亦皆符會蓋

餘三奇則九而其揲亦九策亦四九三十六是爲

居一之太陽

案朱子以河圖一二三四爲四象之位故有居一居二云云不知四象因

揲著得名非有位也天一地二天餘二奇一耦則

三也四乃正象左右所揲之餘耳八而其揲亦八策亦四八三十二是爲居二之少

陰二耦一奇則七而其揲亦七策亦四七二十八
是爲居三之少陽三耦則六而其揲亦六策亦四
六二十四是爲居四之老陰少陰遯而未極乎虛
少陽進而未極乎盈故此獨以老陽老陰計乾坤
六爻之策數餘可推而知也期周一歲也凡三百
六十五日四分日之一此特舉成數而言之耳
易學啓蒙曰乾之策二百一十有六者積六爻之
策各三十六而得之也坤之策百四十有四者積
六爻之策各二十有四而得之也當期之日者每
月三十日合十二月爲三百六十也蓋以氣言之

則有三百六十六日以朔言之則有三百五十四日今舉氣盈朔虛之中數而言故曰三百有六十也少陽之策二十八積乾六爻之策則一百六十八少陰之策三十二積坤六爻之策則一百九十二此獨以老陽老陰之策爲言者以易用九六不用七八也然二少之合亦三百有六十

二篇之策萬有一千五百二十當萬物之數也

本義曰二篇謂上下經凡陽爻百九十二得六千九百一十二策陰爻百九十二得四千六百八策合之得此數

易學啟蒙曰陽爻百九十二每爻各三十六策積之得六千九百一十二陰爻百九十二每爻各二十四策積之得四千六百八十又合二者爲萬有一千五百二十也若爲少陽則每爻二十八策凡五千三百七十六少陰則每爻三十二策凡六千一百四十四合之亦爲萬有一千五百二十也

安溪周易通論曰朱子以挂扚之數爲七八九六之母策數爲七八九六之子其辯詳於啓蒙考誤諸書然考之於經則策數者以象四時者也以當期日者也挂扚者以象閏者也一期四時三百有

六旬此正數也當爲母盈虛之分是餘數也當爲
子有正數而後有餘數不應以餘而先正一也又
果定七八六九者以挂扞爲重則經當曰乾坤挂
扞若干二篇挂扞若干今數策而不數挂扞二也
蓋策之爲七八九六其數顯然不必計方圓全半
而後合則知啓蒙考誤諸辯猶朱子未定之說也

案與歸氏
何氏說合

是故四營而成易十有八變而成卦

陸氏績曰分而爲二以象兩一營也挂一以象三
二營也揲之以四以象四時三營也歸奇於扞以

象閏四營也

孔氏穎達曰營謂經營謂四度經營著策乃成易之一變也每一爻有三變初一揲不五則九是一變也第二揲不四則八是二變也第三揲亦不四則八是三變也若三者俱多爲老陰謂初得九第二第三俱得八也若三者俱少爲老陽謂初得五二三之間或有四有五而有八或有二四而有一九也其兩多一少爲少陽謂三揲之間或有一九一八而有一四或爲二八而有一五也三變旣畢

乃定一爻六爻則十有八變乃始成卦也

八卦而小成

本義曰謂九變而成三畫得內卦也

案孔氏穎達曰八卦而小

成者象天地雷風日月山澤於大象略盡是易道小成朱子蓋宗其說然經文此句直接上十有八變而成卦之下不應跌轉說九變而成三畫故當以不變六畫大段言也

引而信之觸類而長之天下之能事畢矣

本義曰謂已成六爻而視其爻之變與不變以爲

動靜則一卦可變而爲六十四卦以定吉凶凡四

千九十六卦也

案上節據不變言以一卦加八卦而爲六十四故曰小成此節就變

動言以一卦變六十四卦而爲四千九十六故曰引信觸長

變占

繫辭傳動則觀其變而翫其占

爻者言乎變者也

極數知來之謂占通變之謂事

以動者尙其變以卜筮者尙其占

參伍以變錯綜其數通其變遂成天地之文極其數

遂定天下之象非天下之至變其孰能與於此

說見半古

本義

功業見乎變

案上所言變皆以筮占言啓蒙於明著策下有考變占一條以六十四卦列爲

三十二圖正指此或多與卦變混說不知朱子別有卦變圖列本義卷首彼以爻之相推相易言此以策

之老陰老陽
言迴不付也

易學啓蒙曰凡卦六爻皆不變則占本卦彖辭而

以內卦為貞外卦為卦原注彖辭為卦下之辭孔成子筮立衛公子元遇屯

曰利建侯秦伯伐晉筮之遇蠱曰貞風也其卦山也

一爻變則以本卦變爻辭占原注沙隨程氏曰畢萬遇屯之比初九變

也蔡墨遇乾之同人九二變也晉文公遇大有之睽九三變也陳敬仲遇觀之否六四變也南蒯遇

坤之比六五變也晉獻公遇歸妹之睽上六變也胡氏一桂曰啓蒙謂一爻變則以本卦變爻辭

占以今觀之未嘗不取之卦且不特論一爻兼取貞卦卦體觀陳宣公筮公子完之生尤可見矣

二爻變則以本卦二變爻辭占仍以上爻為主原注

經傳無文今以例推之當如此胡氏一桂曰彖辭為宋太祖占亦旁及諸爻與卦體

三爻變則占本卦及之卦之彖辭而以本卦為貞

之卦為每

原注沙隨程氏曰晉公子重耳筮得國遇貞屯卦豫皆八蓋初與四五凡三爻

變也初與五用九變四用六變其不變二二三上在兩卦皆為八故云皆八而司空季子占之曰皆利

建侯胡氏一桂曰案啓冢但云占本卦之卦彖辭然以晉侯屯豫之占則并占卦體可見

四爻變則以之卦二不變爻占仍以下爻為主原注

經傳亦無文今以例推之當如此

五爻變則以之卦不變爻占

原注穆姜往東宮筮遇艮之八史曰是謂

艮之隨蓋五爻皆變惟二得八故不變也法宜以係小子失丈夫為占而史妄引隨之彖辭以對則

也非

六爻變則乾坤占二用餘卦占之卦彖辭

原注蔡墨曰乾

之坤曰見羣龍无首吉是也案乾坤占二用亦後人取便法耳非易本旨

安溪周易通論曰啓蒙變卦之法荀矣然愚竊有疑者蓋其法惟六爻不變者占卦辭至六爻皆變則占變卦之卦辭變至三爻則又兼占兩卦之卦辭卦辭之用只此三者而已一爻二爻動則占本卦之動爻四爻五爻動則占變卦之不動爻此則爻辭之用也審若此則卦辭之用有所不周矣又審若此則爻之用半用九六而半用七八矣且考之春秋內外傳諸書不論動靜及變爻之多少皆先論卦之體象及其辭以立說意此其本法也蓋

一卦各變六十四卦故隨其動靜及變爻之多少而貞卦不同固無嫌乎卦辭之用之爲重複也惟一爻動者則於爻辭必專用焉然猶未嘗不先以兩卦之體此皆厯據古人之法而可見者蓋必如此而後卦之用周而後爻之九六之用爲有定而所謂兼用兩爻及用變卦之不動爻者求之古人似無其說焉此愚之所以疑而別存其論也

案吾鄉楊

氏方達圖說會通曰筮法失傳所載諸法多各以意自爲推排而未甚合古是兄仲明辯之甚悉其言曰先聖明明云動則觀其變而翫其占故曰吉凶悔吝生乎動乃四爻變則占之卦二不變爻五爻變則占之卦一不變爻既舍其本卦而僅占之卦更舍其動爻而反占靜爻又如六爻不變則占

覆卦是矣六爻皆變則占對卦獨置本卦於不問
究何謂乎惟林德久之說及胡雙湖一二三爻變
占下所注引證與李厚菴所論爲得其大略差幸所見之同約識於此

又曰左氏傳晉文公之筮得貞屯卦豫皆八穆姜
之筮得艮之八又董因爲晉文公筮得泰之八此
三筮所謂八者皆莫明其說杜元凱謂連山歸藏
易用七八者旣鑿而無據朱子以爲其不動之爻
皆八於文意亦不相似且董因之筮乃泰六爻皆
不變者尤不得以此說也竊意占法之用卦辭者
不論動不動及動爻之多寡而皆用之者也其用
爻辭者惟一爻專動而後用之者也當時用爻辭

者則以九六爲標識因揲著之法爻以九六變也

用卦辭者則以八爲標識因畫象之法卦以八成

也故貞屯卦豫則三爻變而無專動之爻矣案一皆字

無下艮之隨則五爻變而亦無專動之爻矣案但云艮

之八何以知泰卦不變則亦無所動之爻矣案何

爲艮之隨其卦遇蠱其凡此者於法皆當占卦故竝曰八也

卦遇復之例案爻以九六爲標識有初二三四五上之分故能

知爲何爻卦如統變與不變皆名之爲八無由見

所變之爲何卦鄭見以杜注爲近但亦非連山歸

藏用七八之謂蓋其筮法與周易大衍四營者異

今無所考證當闕疑耳貞屯卦豫之占司空季子

曰吉是在易皆利建侯艮八之占穆姜曰於周易

曰隨元亨利貞无咎一曰是在易一曰於周易明

其占時之非用周法也卽董因之占曰是謂天地

配亨小往大來上四字亦非周易泰
象之所有不謂之連山歸藏得乎但變自三爻

以下及不動者則當以本卦之辭為主以董因引
泰小往大來者推之也變自四爻以上及全變者
則當以變卦之辭為主以穆姜引隨元亨利貞者
推之也變止三爻則當兼論兩卦之辭以司空季

子貞屯卦豫曰皆利建侯者推之也

案較啓象雖似有據然亦

恐太泥鄙見以爲有變皆當兼用
但以貞卦分賓主或事之始終耳經傳之例雖不

能荀而其可推見者如此至於一爻專動以九六

爲標識固已然不曰得某卦之某九某六而必曰

得某卦之某卦則益以明雖用爻辭者未嘗不先

以兩卦之體其說信也

又曰自六畫之卦而又加一卦則增長至於十二畫矣故曰引而伸之也自一卦之義而又益以一卦之義隨其所當可以比附故曰觸類而長之也必如是而後天下之能事畢者一卦各變爲六十四則其貞卦之間一反一覆而義於焉變矣如貞屯卦豫者文公荀嘗險阻艱難而通亨之象也艮之隨者穆姜宐守婦道以靜而正而乃以喜隨人之象也若得豫之屯隨之艮賓主先後不同則其義當又別其餘占例大抵皆然此六十四卦之變

所以能盡天下之無窮也若不先論卦而但論爻

則其用反有所限爾

案一卦各變為六十四者以乾卦論一爻變者凡六卦

邁同人履小畜大有夬是也兩爻變者凡十五卦
遯无妄中孚大畜大壯需睽家人訟巽鼎大過離
革兌是也三爻變者凡二十卦否益損泰節噬嗑
漸隨旅賁渙豐咸歸妹蠱恆困未濟井既濟是也
四爻變者凡十五卦觀頤臨晉小過坎萃震明夷
蹇解升艮屯蒙是也五爻變者凡六卦剝復比謙
豫師是也六爻變者一卦謂坤六爻不
變者一卦即乾合之為六十四卦也

春秋占法

左傳陳厲公生敬仲其少也周史有以周易見陳侯

者陳侯使筮之遇觀之否

觀六四變

曰是謂觀國之光利

用賓于王

先舉爻辭

此其代陳有國乎不在此其在異國

非此其身在其子孫光遠而自他有耀者也次坤土斷

也吳風也乾天也風為天子土上山也有山之材而

照之以天光於是乎居土上故曰觀國之光利用賓

于王庭實旅百奉之以玉帛天地之美具焉故曰利

用賓于王

次舉內外兩體及變卦互體釋爻辭杜注艮為門庭乾為金玉坤為布帛諸侯朝王

陳贊幣之象

猶有觀焉故曰其在後乎

次舉卦名釋斷語林注此以卦義言

觀感而化非朝夕所能故曰在後

風行而著于土故曰其在異國乎

若在異國必姜姓也姜大嶽之後也山嶽則配天物

莫能兩大陳衰此其昌乎

次舉內外二體及變卦互體釋斷語所舉變卦弟重

三畫而不及之卦之否

初畢萬筮仕於晉遇屯之比屯初九變辛廖占之曰吉屯

固比入吉孰大焉其必蕃昌先舉兩卦名作斷震為土車從

馬杜注震為車坤為馬震變為坤故車從馬足居之震為足動而遇坤兄

長之林注震為長男兄也母覆之眾歸之杜注坤為母為眾六體不易

及變卦作斷次舉內外二體合而能固安而能殺公侯之卦也次

卦名二體作斷此及之卦卦名而不舉爻辭

成季之將生也筮之遇大有之乾大有六五變曰同復於

父敬如君所杜注乾為君父離變為乾故曰同復

秦伯伐晉卜徒父筮之其卦遇蠱變不曰千乘三去三

去之餘獲其雄狐林注三句皆卜筮之繇辭愚案當是連山歸藏語夫狐蠱

必其君也

林注其象未詳愚案狐爲小人之象小人而蠱惑者正晉惠公也

蠱之貞

風也其卦山也歲云秋矣我落其實而取其材所以

克也實落材亡不敗何待

先舉占辭次舉二體兼及時令作斷

初晉獻公筮嫁伯姬於秦遇歸妹之睽

歸妹上六變

史蘇

占之曰不吉其繇曰士刲羊亦無盭也女承筐亦無

貺也西鄰責言不可償也歸妹之睽猶無相也震之

離亦離之震爲雷爲火爲羸敗姬車說其輓火焚其

旗不利行師敗于宗丘歸妹睽孤寇張之弧姪其從

姑六年其逋逃歸其國而棄其家明年其死於高粱

之虛

案歸妹之睽洵非吉占但於伯姬之嫁殊不合蓋秦未嘗負晉而惠懷實階之厲也於伯姬乎

何尤至其所論亦妄鑿無
理殆後人增會之辭耳

秦伯師於河上將納王狐偃言于晉侯曰求諸侯莫

如勤王筮之遇大有之睽大有九三變曰吉遇公用享于

天子之卦戰克而王享吉孰大焉先舉爻辭作斷且是卦也

天爲澤以當日天子降心以逆公不亦可乎次舉變卦大

有去睽而復亦其所也次舉二體杜注言去睽卦還論大有亦有天子降心之象

乾尊離卑降尊
下卑亦其義也

鄆陵之戰公筮之史曰吉其卦遇復不曰南國蹇射其元

王中厥目國蹇王傷不敗何待此但舉占辭而不及卦體其辭當亦連山

歸藏語也
義未詳

穆姜薨於東宮始往而筮之遇艮之八

此蓋連山歸藏占法義未

詳

史曰是謂艮之隨

艮初三四五上俱變

隨其出也君必速出

史舉之卦名義作斷

姜曰亡是於周易曰

見筮時非用周易大衍法

隨元亨

利貞无咎元體之長也亨嘉之會也利義之和也貞

事之幹也體仁足以長人嘉德足以合禮利物足以

和義貞固足以幹事然故不可誣也是以雖隨无咎

今我婦人而與於亂固在下位而有不仁不可謂元

不靖國家不可謂亨作而害身不可謂利棄位而姦

不可謂貞有四德者隨而无咎我皆无之豈隨也哉

我則取惡能无咎乎必死於此弗得出矣

姜舉之卦象辭作斷

而不及三體及本其之能恐非

崔武子

欲取棠姜

筮之遇困之大過

困六三變

示陳文子文子

曰夫從風風隕妻不可娶也

先舉變卦作斷杜注坎為中男故曰夫變而為

吳故曰從風風能隕落萬物故不可娶

且其繇曰困于石據于蒺藜入

于其宮不見其妻凶困于石往不濟也據于蒺藜所

恃傷也入于其宮不見其妻凶無所歸也

次舉爻辭作斷

穆子之生也莊叔以周易筮之遇明夷之謙

明夷初九變

以示卜楚丘曰是將行而歸為子祀

案此亦據二體及爻辭作斷但

其說多支附不可為訓則之

衛人將立公子元

孔成子以周易筮之曰元尚享衛國主其

社稷遇屯

不變

又曰予尙立繫尙克嘉之遇屯之比

屯初

九變

以示史朝朝曰元亨又何疑焉

謂公

成子曰非長

之謂乎

成子疑元義爲長公子繫長也

對曰其繇曰利建侯嗣吉何

建建非嗣也

此據本卦之辭作斷而不及變卦此體以史朝預有成心非正法

南剿之將叛也枚筮之遇坤之比

坤六五變

曰黃裳元吉

以爲大吉也示子服惠伯惠伯曰忠信之事則可不

然必敗黃中之色也裳下之飾也元善之長也中不

忠不得其色下不共不得其飾事不善不得其極且

夫易不可以占險筮雖吉未也

此據爻辭作斷而不及卦體及變

宋伐鄭晉趙鞅卜救鄭不吉陽虎以周易筮之遇泰

之需泰六五變曰微子啓帝乙之元子也若帝乙之元子

歸妹而有吉祿我安得吉焉乃止此亦據爻辭作斷而不及卦體及變

國語成公之歸也吾聞晉之筮之也遇乾之否乾初二三

俱曰配而不終君三出焉單襄公語此據卦體及變作斷下乾變坤臣臣象故

不終三爻變故三出也

公子耳重親筮之曰尙有晉國得貞屯初屯鉅象皆八也

四五俱變曰皆司空季子曰吉是在易皆利建侯先舉

卦震車也坎水也坤土也次舉二屯厚也豫樂也舉

兩卦車班內外屯車在內順以訓之坤泉原以資之

坎土厚而樂其實屯不有晉國何以官之非實剛之

董因迎公

耳重於河

曰臣筮之得泰之八

安溪謂泰不

誠不變矣艮之八則五爻

是謂天地配亨小往大來

皆變何其名同而實異也

案諸占所取不同大約以三畫之

此據卦辭作斷

變爲九重如天爲澤夫從風之類是也其一爻變以

專動之爻爲主則

先儒固言之矣

周易校字

五之一

卷第十三

毗陵王顧學

六籍惟易未經秦火而異文錯字轉多於它經
陸氏治易爲一時最見稱於舊唐書儒學傳序
而釋文所載依回從俗絕少折衷李氏集解亦
但據所輯誰氏之說而文亦從之非有所見也
然周易古文既不可見卽朱子所取鼂呂之說
以定爲古本周易者世但得其編次而文亦無
傳則有志於古者舍釋文集解二書又何塗之
從哉并旣主二書旁及諸經說文成周易半古

本而去取從違之意未明乃自呂氏音訓外博
采惠徵士周易古義周易本義辯證及平湖孫
步升漢魏二十一家易注之說并歷朝經解字
書而取裁焉其字同而形體殊者曰从說文見
唐石經之非曰从石經明坊刻本之誤辨已注
明非有疑辯不復綴論其字異而應更正者必
有漢魏古本或諸經可據否則如漸上于陸之
爲于遼剝上象不可用之爲不可害雖經後儒
論定僅增於注而不敢擅易以尊經也爲校字

上冊

標題从今坊本

夕惕若厲 若字連上讀如出涕沱若戚嗟若不節
若則嗟若之例輔嗣注云至於夕惕猶若厲也故
釋文於夕惕之下復以若厲爲文不可从又說文
夤字下云敬惕也易曰夕惕若夤夫通易言厲无
咎者不一文言明曰因其時而惕雖危无咎安得
有異文異義邪

亢龍 說文忼字下引易云忼龍有悔郭忠恕汗簡
謂古周易如此惠氏取之恐不然案戴仲達六書
故曰亢胡郎切頸當喉處也象形頸項強直爲亢
苦浪切傳曰不能亢身焉能亢宗用此義也因之

爲高亢易亢龍有悔詩皋門有亢之類是也天高
姓爲亢旱據此則高而无位之爲亢陽無疑矣又
亢字下云古單作亢大抵古文省多段借故於亢
慨之亢亦多作亢豈有高亢之亢而从心者邪今
詩作皋門有亢說文於陳亢作亢皆後人所加耳
漢書王莽傳贊用炕龍加火旁亦無足據也

見羣龍 見如字與睽見輿曳見豕負塗一例作賢
徧反非

大和 大字釋文無音以輔嗣注作大小訓也今讀
作太不可易

自彊 說文作彊弓有力也爲正義釋文唐石經皆

作強係古段借或作強非

篇中所引石經皆唐石經後不注

反復道 復虞如字讀釋文芳服反本義訓作重複

踐行於義似淺且在下卦亦未見重複意覈之復卦反復其道小畜復自道皆以陽在下有剛反之義本爻嫌於剛趨故教之以乾乾惕若反而復於道也當从虞

事之幹 說文作榦築牆耑木也徐氏曰今別作幹

非是六書故則有幹字云居寒切溼去也亦通作

乾

原注唐本說文幹溼之幹也

借爲支幹之幹古案切通作榦

案唐本說文今不可見依字榦爲木身今說文軌
古案切榦乃木之諧聲也六書故以榦爲軌之諧
聲夫軌已古案切矣何須更與干諧邪且以爲榦
溼之義亦無取詩榦不庭方書峙乃楨榦皆从木
說文偏旁亦有榦而無幹則幹之爲俗字明矣石
經非盡同

體仁 京房荀爽董遇作體信非

利物 孟喜京荀陸績作利之非

子曰 朱子於繫辭子曰謂後人所加文言當亦爾
未敢擅去應作美文

不成乎名 釋文作不成名注曰一本作不成乎名
集解於兩句皆無乎字音訓同从之

確 經典無確字說文作霍引易曰夫乾霍然則確
乎之確似亦當作霍然訓高至也从佳上欲出口
與乾初爻義不合徐氏於確字下注云今俗作確
非是則此確當作确爲堅確確實之義見後漢書
寇恂傳論後確然乃當从霍後爲胡沃切此爲胡
角切音義別也又胡角當作苦角

閑邪存其誠 邪本琅邪字音義俱別茲从說文作
衰與周官合鄭存上多以字不必从

脩業 說文脩脯也修飾也六書故曰肉條割而乾之爲脩故脩有長義又借爲繕脩脩飾之脩與脩通案說文雖分二訓檢偏旁則有脩而無修是脩爲本字因束脩借爲脩潔之義後人乃別作修也欲及時也 音訓鼂氏曰鄭無欲也字非

同氣 說文作气其加米者爲餽廩字諸經段借音義俱別非

溼 說文幽溼也从水一所以覆也覆而有土故溼也諸經石經皆作濕濕水名舍本字而从段借音義俱別殊不可曉

時舍 舍字釋文無音案羣經音辨云舍居也始夜切於此爲時止之義當从之惠氏易說曰時舍讀爲田舍東郊之舍若云未爲時用德施何由而普天下安得文明也

窮之災也 音訓鼂氏曰之鄭作志非

潛藏 釋文藏諸用下注云鄭作臧善也藏往下注云劉作臧善也案說文徐氏曰漢書通用臧字从艸後人所加則知鄭劉二本乃易本文特音釋錯耳故於通易藏字皆不加艸

性情也 音訓鼂氏曰鄭作情性非

始能 集解从鄭作始而注云古文通履六三能視
能履亦从虞作而茲从今本

以辯 抱經堂釋文攷證云說文辯治也辨判也此
字當作辨然經典每通用案釋文惟剝牀以辨之
辨从刀餘俱从言作辯周官亦皆作辯意物之本
判者从刀人去辯之則應从言說文兩訓之旨如
此蓋由辯論借爲辯別義也

其唯聖人乎 釋文謂王肅本作愚人後結始作聖
人不成文義以上乾

坤 抱經堂釋文作《云本又作坤坤今字也案古

八卦皆卽卦卽名釋文於坤猶存其槩耳

先迷後得主 子夏傳作一句讀程子說非本義辯
證引參同契云先迷失軌後得主君蓋漢讀如此
又以蹇解二卦辭推之則利字屬下讀者是 先
後釋文無音案羣經音辯先弄也思天切弄之曰
先思見切居其後曰後胡苟切從其後曰後胡姑
切據此先後皆主乾言謂先乎乾則迷後乎乾則
得主也俱當作去聲讀

无疆 釋文云或作壇案說文無此字

勢 案考工記審曲面勢之徵也禮運在執者去

漢書高帝紀地勢便利說文徐氏曰經典通用執則知易古本不加力也

履霜堅冰 冰从說文作𣎵字係建首諸經段借音義俱別非本義云魏志作初六履霜今當从之惠氏謂魏志許芝所引易傳約爻象而爲之辭也漢司徒魯恭引此象云履霜堅𣎵未嘗有初六履霜之語蓋郭京曾有是說而朱子誤信之耳愚案堅𣎵二字究於文義未協當作義文

由辯 荀作變鼯云辯古文變字不合文義

不疑 爾雅釋言云疑休戾也說文惑也徐氏錯曰

止不通也則疑有疑惑疑阻二義小象中後義尤多小畜與載叶恐古或通礙也

暢 說文暢不生也徐氏曰借爲通暢之暢俗別作暢非是然說文艸部別有藹字云艸茂也則當作藹爲得漢書作𦵏亦段借也

陰疑 當讀作儼荀虞姚信蜀才作凝非

嫌於无陽 嫌釋文鄭作謙荀虞陸董作𦵏惠氏辯證引古文易曰爲其兼於陽也王弼本曰嫌於陽注謂嫌於非陽竝無无陽之說愚案謙鄭讀作𦵏嫌意不滿也彼訓𦵏非通作𦵏說文訓口有所銜

又與歉同穀梁襄二十四年穀不舛謂之歉注歉不足貌則嫌於陽者謂不足於陽也古文省作兼乃古字段借九家以陰陽合居故曰兼陽訓之失其旨矣然其間不得有元字則一也當从荀虞上以

坤

磐桓 磐卽鴻漸于磐之磐謂石也桓如公執桓圭之桓謂柱也漢書田延季謂霍光曰將軍爲國柱石師古注柱者梁下之柱石承柱之礎言大臣負國重任如屋之柱及其石也案此與屯初爻義合釋文磐本亦作盤又作槃非

乘馬 从說文𦍋已見上當如字讀釋文繩證反四
馬曰𦍋鄭云馬牝牡曰𦍋子夏傳音繩俱未合經
義

班如 釋文曰鄭本作般案爾雅釋言般還也班賦
也說文班分瑞玉般象舟之旋六書故班分玉也
从刀以分之書曰班瑞于羣后亦通作頒又因之
爲班列之班般旋舟也據此當从鄭作般書班師
振旅漢書趙充國傳作般師左傳班馬之聲爾雅
郭注引作般馬是二書亦本作般今皆混用然以
爾雅說文觀之則謂二字本通者非也至程傳直

以班如爲分布未合爻義左傳衛有公孫般師今本猶作般師此古字之僅見者尤可據

媾 馮氏椅曰媾當作昏从女非案士昏禮鄭目錄

云士娶妻之禮以昏爲期因而名焉則馮說是也又正字通曰唐本說文从民徐本从氏省鼃補之云因唐諱民改从氏理或然也今說文偏旁如緡潛之屬或从氏或从民蓋其真猶未盡沒耳

媾 釋文馬云重昏本作葍音訓鼃氏曰葍古文

字 陸氏續曰變也虞氏曰妊娠也案說文乳也與

虞同正義从陸訓爲不受人之變然艱之事理文

義二說難通不如本義取耿南仲之說特字自是名字之字古未許嫁則不字非竟以字爲許嫁正訓也

卽鹿 釋文王肅作麓云山足案取鹿象無意義且小象不應複說從禽王本爲得

惟入 惟唯維三字各有正訓借作虛字俱可通然諸經如詩皆作維書皆作惟在易則通傳文作唯通經文作維不容襍出惟字當从系以成畫一

吝 說文恨惜也先儒以爲羞吝非觀恆九三羞吝竝見可證

漣 釋文音連說文泣下也案今說文作漣其从水者爲波瀾字惠氏曰字或作漣古篆立心與水相近故誤爲漣果爾則陸氏不當混引且泣涕漣漣河水清且漣猗詩凡兩見彼釋文無異辭惟爾雅釋水作河水清且瀾彼釋文云瀾李依詩作漣是陸氏所見乃唐本說文似爲優也泣涕從心出而不从心漣漣爲形頌泣涕之詞而必从心此何說哉

滿盈 盈荀虞于本作形見集解謂品物流形也今本作盈則爲贗字

經綸 集解从荀作論釋文作論云音倫鄭如字論
誤書禮樂施政事黃穎云經論匡濟也本亦作綸
禮記中庸篇釋文亦作經論下云本又作綸是古
本作論讀爲綸後乃改从糸耳

以從禽也 沙隨程氏謂蔡邕石經郭京舉正卽鹿
无虞何以從禽也皆有何字今本脫本義辯證曰
蔡邕易石經宋時已亡未知沙隨何據云然郭京
曾云得王韓手札與石經然則所謂蔡邕石經者
亦卽郭氏之亂說而沙隨誤信之耳愚案小象四
語文義相承言卽麓无虞而以從禽君子必舍之

以其往吝窮也若逐句分疏便不通貫宜乎異說之紛起矣

以上

蒙 說文作冡加艸爲女蘿諸經段借非

童 釋文如字字書作僮鄭云未冠之稱案陸氏所云字書不知所指據說文奴曰童未冠作僮與諸經傳適相反說文非也蓋先有未冠之童而後僕之少者謂之童奴牛之稚者謂之童牛亦必先有童字而後加人爲僮加牛爲犝易文童冡童僕童牛皆从本字是爲得之如許氏之說是未冠之童轉因童僕起義不倒置邪

漬 釋文亂也鄭云蕤也案說文作黷黷漬本通但此取坎象段溝漬以通蕤漬當从本文爲得又崔氏憬曰漬古黷字

刑 依說文刑到也荆罰皐也荆法之荆當从井義可通仍之

以往吝 說文引作遴口部仍作吝惠氏據漢書曰遴古文吝不必从

包 釋文作苞云如字鄭云當作彪彪文也案石經音訓亦作苞獨毛字六經正誤以苞爲非毛說是也依字先有包而後加艸古文多段借但當借包

作苞不應借苞作包通易惟包桑包字義當从苞
餘皆爲包裹字而混加艸此後儒之誤耳鄭說尤
迂否泰同

用取 集解作娶此後起字當从古文遘卦同

求我 釋文云一本作來求我惠氏辯證曰高誘注
呂覽引此經有來字愚案彖傳較經增字無意義
高注未足據也

以異 鄭云當作遜非此段變異言安得作遜邪
上以

豕

須 說文作頤案古文省須髮須待須文止一字後

乃加立爲頤加女爲頤加髟爲鬚易需貞歸妹三義不同文皆作須知說文爲後起字也

位乎 鄭音泣似未知歿字活用法當如字

雲上於天 王肅本作雲在天上非

沙衍 沙鄭作泔與沙同衍荀訓優衍虞云流也皆屬下句今从惠氏辯證本穆天子傳連上讀似較勝也春秋公會吳于鄆茅成子請救于吳則曰夏盟于鄆衍與小象文法正一例

致寇 鄭王肅作致戎非

以上

鞶帶 鄭訓佩鞶之帶虞云大帶說文正義同虞似

優釋文作帶云音帶亦作帶加人未詳

褌 說文奪衣也鄭作𡗗荀虞同案說文𡗗曳也俗

作拖惠氏據淮南高誘注謂𡗗亦訓奪不可从

入于淵 傳文述經中語始作于如同人于野至于

八月之類其自爲說則作於在彖傳尤乎多而於

少不應此句獨作于也檢石經此句與需位乎天

位乎字並作于知此亦乎字之譌也此曰不利涉

大川入乎淵也大畜曰利涉大川應乎天也文法

正一例

掇 六書故輒手采取曰掇言取之易也鄭作𡗗憂

也與忠複

以上
訟

丈人 案易中無稱丈人者震坎亦無丈人象子夏
作大人謂王者之師也見集解及古占法易例九
二九五得稱大人也覈之困大人吉否五大人吉
二小人吉大人否亨文法正相類元老壯猷固在
德不在季也惠氏周易古義取之良是

否臧 否謂不以律也當从馬鄭王肅方有反

畜衆 釋文敕六反王肅許六反愚案通易畜字皆
當作敕六反與小大畜畜字一律蓋容之者恩畜
之者義恩義相維而將道盡豈得以畜養了事邪

離畜牝牛遯畜臣妾同

天寵 王肅本作龍惠云龍古文寵引詩何天之龍

鄭箋爲證當从之剝五同

以上師

它 釋文本亦作他案石經皆作它它古文俗作他耳

三驅 釋文鄭作毆惠氏周易古義曰說文驅馬馳也古文作毆漢書皆以毆爲驅从之

不誠 集解从虞作戒案古文省後乃加言爲誠也今本泰四不戒以孚尙與集解文合从之繫傳同舍逆取順失前禽也 前从說文作苒今變體俗段

借不倫逆迎也奔禽卽逆己之禽周官大司馬乃
設驅逆之車注云驅驅出禽獸使趨田者也逆逆
要不得令走必爾乃無失禽之虞茲用三驅之法
用三面設驅車使出而從後射之故曰取順其一
面不設逆車令逆己之禽可以奔脫故曰舍逆失
奔禽以喻王者罔漏吞舟不強人以必從之意又
說文並不順也與逆之訓迎者別觀此似無可分
以上
比

輿 說文車底也考工記輿人爲車又君車爲檠輿
注疏家所謂對文則別散文則通也馬虞作車不

必从通易車輿同

說輻 說文輪輳也詩小雅注謂輪中木之直指者
釋文音福本亦作輳音服車下縛也鄭云伏兔集
解作車說輳鼂氏呂氏項氏及 本朝顧亭林惠
定宇俱謂當作輳愚竊以爲不然夫輻固無說理
然車壞則說矣本爻之於四始則以陰陽相比而
懷安繼則以義理相繩而變色方其懷安也直有
終焉之志則從車壞之義乃益見其反覆不常也
與大畜之旨殊矣

血 馬云當作恤音訓鼂氏以血爲古文恤弟恤惕

止一義似今本優也

攣 子夏傳作戀惠氏引漢唐公房碑及景君碑證攣之爲古文戀此不然案說文攣係也凡拘牽連繫者皆曰攣乃固結不解之意於此爲相孚之至也若以爲戀則義淺矣下如字亦恐無箸也六書正譌緣下云呂員切係也借爲去聲攣通別作戀非則攣自可借爲戀特非本文交義耳中孚九五同

尙德 集解作得平湖孫氏引史漢證與德通則惠氏竟作得失解者非也

月幾 釋文徐音祈又音機子夏傳作近案羣經音
辯幾及也音冀幾近也渠希切今義从近則徐音
是也

望 依說文作望與瞻望望字別此後起字弦望之
望因日月相望得名豈容有異字邪說文多俗字
有識者當自辯耳

以上
小畜

不啞人亨 虞本亨下有利貞字啞鄭作噬不必从
幽人 仲翔注曰履自訟來訟時二在坎獄中故稱
幽人之正竟作幽繫解無論與履不相涉而一陰
之卦自二陰卦來此何說邪本義辯證疑之轉以

後世目高士作幽人爲非似好異之過

能視能履 集解兩能字皆作而歸妹同說見乾

愬愬 釋文馬作號號音許逆反云恐懼也說文同

案與震卦合从之然今說文引號號下有恐懼二字而陸不言以文法揆之疑今說文誤也

考祥 釋文云本亦作詳音訓鼂氏曰鄭荀皆作詳

詳古文祥案詳祥字特古通耳以詳爲古文祥恐

未然

以上
履

彙 釋文音胃類也傅氏注云彙古偉字美也古文

作曹董作彙說皆無據

荒 集解作𦵏釋文云本亦作𦵏案說文𦵏水廣也
易曰包𦵏用馮河荒蕪也一曰艸掩地也易例自
外比內之謂包初爲艸茅而二包之正當用說文
艸部之荒不應去艸爲𦵏由許氏所見易本譌耳
後儒又仍許氏之譌也鄭讀爲康尤迂

馮 本當作溯係古段借仍之

翩翩 釋文作篇篇云如字子夏傳作翩翩向本同
古文作偏偏案今本乃从子夏仍之

隍 案說文城池也有水曰池無水曰隍釋文城塹
也子夏作塹姚作湟音訓鼂氏曰古文作皇皆無

顯據不必从

自邑 顧亭林云人主所居謂之邑引詩商邑書西
邑夏大邑周天邑商爲證案此與泰上自邑義合
他卦邑字又當兼都邑采邑隨義求之難執一也
財成 荀作裁案財古通裁史記漢書皆可據仍之
象曰无往不復 釋文集解作无平不陂今本作无
往不復惠氏曰石經正義亦與今本同惟朱子因
東萊易改从古文後來刻本義者一依程傳經文
而本義經文遂不可攷當从釋文集解

以上
泰

疇 鄭作畀與說文合字并見爾雅及周官染人注

从之

不可榮

釋文處作營儉或作險集解用之未合文

義

以上否

其墉

釋文鄭作庸集解用之音訓鼂氏曰庸古文

平湖孫氏曰詩大雅因是謝人以作爾庸毛傳庸

城也禮埒于諸侯曰埒庸注云埒庸小城也當从

鄭

以上同人

莽 本當作𧈧隸段借義可通仍之

大車

釋文蜀才作輿此可通集解作輿孫步升以

舉爲古文輿據史記封禪書築輿作證此不然輿

中已有車矣復下加車乃後起俗字與晉之加月
止之加足等耳大抵虞本車輿字多作轡不可从
用亨 釋文許庚反通也衆家竝香兩反京云獻也

干云享宴也姚云享祀也於隨云許庚反通也陸
許兩反祭也於損云香兩反蜀才許庚反益云香
兩反王虞許庚反升云許庚反通也馬鄭陸王肅
香兩反至萃孝享因亨祀鼎以享渙享帝俱云香
兩反是讀作許庚反者惟輔嗣然耳若漢魏諸家
除損益外無此音釋也程傳从王朱義从漢朱自
得之但今本惟損益萃鼎渙加畫作享餘雖讀香

兩反而字仍作亨毛氏六經正誤論損彖云若本作亨必不音許庚反既有兩音元作亨字無疑釋文攷證駁之云非也古亨亦亨音二字通用凡惇惇醇淳醇敦鵠等字之从亨者何嘗不得聲而謂二字必有異也案毛氏固未覩說文抱經先生精於許學乃有是論殊不可曉隸書偏旁从亨者有二皆非香兩反之享一則郭惇等字从亨古博切一則惇惇等字从亨讀若純何得混舉邪蓋此字塵豕甚久最難別白以說文論高獻也从高省曰象進孰物形孝經曰祭則鬼高之音云許兩切

又音庚切又許庚切𠂔篆文𠂔徐氏進說文解字表曰說文之時未有翻切後人增益互有異同孫𠂔唐韻行之已久今竝以孫𠂔音切爲定是叔重但以爲𠂔獻之𠂔引孝經爲歆𠂔之𠂔據篆文作𠂔與今隸書作享相近而音庚切之亨飪之亨古作𠂔見集韻許庚切之亨通之亨頗近篆文克與𠂔𠂔文不𠂔類乃徐氏據孫𠂔唐韻注之說文𠂔下以混而一者也以諸經論亨字之見於詩書三禮春秋論孟者不一卽左氏引此爻亦作享無有闕畫作亨者亨字之見於毛詩三禮者不一皆爲

亨飪之亨其从許庚切爲亨通義者如左氏所引
易占及國語天地配亨之屬無有加畫作享者則
謂二字通用者乃晉唐後人音釋非古本然也疑
卽作偏於輔嗣以正義專主王注詔列學官故唐
人皆仍其誤耳今从左氏及諸經改正凡通易用
享享字同

其彭 彭爲壯盛之意見於詩者不一小雅駟牡彭
彭大雅駟騶彭彭魯頌以車彭彭俱與本爻義合
于夏作旁虞作尪集解作尪非

天祐 虞作右九家同集解从之案說文𠂇左手也

又手也口部右助也又部右手口相助也徐氏曰
今俗別作佑元部祐助也六書故曰又之借義奪
正義而少不便於書故俗更以左右爲少又而右
助之右左相之左加人爲佑爲佐加示爲祐是佑
祐皆後起俗字也今右助見爾雅釋詁左右見尙
書及泰大象皆不加人詩旣右享之彼釋文云助
也則佑祐字之本爲右可知矣通易同

哲 釋文章舌反王廙作晰同音徐李之世反又作
哲鄭本作遼云讀如明星哲哲陸本作逝廙作折
惠氏曰說文音折玉篇音制古折制音通釋文石

經皆从折从日五經文字在手部今坊本作哲非

以上
大有

謙 釋文子夏作嗛惠氏曰漢藝文志易之嗛嗛古

文尙書謙作嗛見汗簡史記樂書及馮煥殘碑愚
案古書不特謙作嗛卽慊歉字亦通作嗛見坤銜
字亦多作嗛見史記然皆通借字非正義當从今
用侵 釋文王廙作寢非

征邑國 釋文無邑字云本或作征邑國者非案石
經有邑字義較優仍之

虧盈 釋文馬本作毀盈不必从

而福 釋文京本作而富不必从

聚多 釋文蒲侯反鄭荀董蜀才作掊云取也字書
作拊廣雅云拊藏案石經作褒集解作掊據爾雅
裒聚也說文掊引取也本文自爲取義當从鄭惠
氏孫氏謂古取聚通皆係後儒所牽混不必从
上以 謙

介于 釋文古文作𠂔馬作𠂔云觸小石聲案介爲
有分辨之意水火金土皆得并兩爲一艸木亦有
接合之法惟石不可故謂之介介于石其介過于
石也加石作𠂔乃後起俗字陸氏誤以爲古文也

周易古義取之非馬亦不合爻義以此知釋文所引古文多不足信

盱 說文張目也并彛作上視對四言張目則上視矣實一義也子夏陸續作紆京作汚姚作盱舉未合爻義

簪 釋文徐側林反子夏傳同疾也鄭云速也埤蒼同王肅又祖感反古文作貨京作搢馬作臧荀作宗虞作戢戢叢合也蜀才本依京義从鄭惠氏曰俗先字也古簪字訓爲連士喪禮簪裳于衣是也韓非子曰周人亾王簪始以爲首笄之稱蓋秦漢

閒之俗字愚案漢魏諸儒人自爲說文異訓殊量
氏因謂古無簪名故惠引儀禮韓非子爲證愚竊
以爲不然士喪禮簪裳于衣明是𠂔字活用法與
說文𠂔从先心同意鄭訓爲連於義可通使古無
簪連合字類甚多何獨用此不經見字邪集解益
哉旁注鄭作簪引陸氏以爲鄭云速也速字恐卽
連字傳寫之譌否則兩經不應互異且合速相聯
亦非文義惠以簪爲秦漢閒俗字固本說文然欲
其不俗但須改簪爲先則二經皆可通解乃有古
簪止訓爲連之說殊屬拘墟且古簪旣可訓連則

於文義極合不較哉摺臧宗貨之異文爲有據邪
說禮家如聚訟於易尤甚士喪禮容得簪字而豫
卦必不可容不識諸儒果何意也

冥豫 半農易說曰冥古瞑字張目爲盱翕目爲瞑
上六冥豫與六三盱豫相反一翕一張皆不可長
故上成有渝三遲有悔本義以冥爲昏冥安得有
渝且无咎乎愚案瞑翕目也後漢書馬援傳所謂
甘心瞑目是其義又集韻目不明也晉書山濤傳
所謂臣耳目聾眊是其義又無目也汲冢周書師
曠曰請使瞽臣往與之言是其義與昏冥之冥義

本通也

不忒 釋文京作貨孫步升曰古忒字作貨經典亦作貨愚案說文貸施也貨从人求物也蓋古書無刊本傳寫多譌後人誤認爲古文耳此類甚多未敢从

殷 京作隱非

薦 釋文本又作藁同本或作薦獸名耳非說文薦下無之字坊本句上加畫譌

以上豫

官 蜀才作館惠云官本古文館非

而天下隨時隨時之義 隨時王肅本作隨之隨時

之義王肅本作隨之時義項氏安世曰古時字从
之故之時二字易禱今从王本

嚮

釋文本又作向王肅本作鄉案說文何北出牖

也非爻義今三禮皆作鄉後乃加向爲嚮也當从

王本說卦同

位正中

釋文一本作中正案於韻未協

以上

育

王肅作毓案說文毓育重文

以上

未順命

晁氏曰胡先生云未字羨文非

以上

觀

詔類自上示下曰觀去聲自下觀上曰觀平聲

故卦名之觀去聲而六爻之觀平聲彖傳大象中

惟下觀觀天之觀民讀平聲餘俱去聲文義然也
釋文未盡合龍氏曰觀觀內音六十四卦似無此
例案解卽內音只合依卦名竝去聲魏了翁謂當皆作
平聲舉非

闕 釋文本亦作窺

以神道設教 集解無以字釋文同云一本作以神
道設教惠氏曰正義石經皆有以字似今本優

象曰闕觀女貞 釋文云一本有利字案於文義不

合以上觀

滅趾 釋文作止云本亦作趾於賁爻艮作趾云荀

作止案說文止下基也象艸木出有址故以止爲足反止爲步讀若捷合之爲𨔵爲步𨔵𨔵字皆从之後借爲動止之止而止別加足不知足亦从止起當从荀作止諸卦同

腊肉 集解从荀虞作𦔻案說文𦔻乾肉也从殘肉日以晞之與俎同意是𦔻本乾肉因其陳久借爲古𦔻字今禮經皆作腊惟檀弓有陳乾𦔻之名非主肉言則二字不屬可證說文之不謬如今文作腊夫𦔻已爲殘肉矣而又加肉乎

肺 石經作肺與說文字體較近从之釋文馬云有

骨謂之肺字林云金匱所遺也一曰脯也子夏作脯荀虞同案說文金下云揚雄說金从肺則肺非俗字也馬說最切爻義

象曰雷電 項氏謂石經作電雷惠云唐石經仍作雷電項所據或是蜀石經愚案通易象例當从項勅法 釋文恥力反此俗字也字林作勅鄭云勅猶理也一云整也案說文敕誠也敕擊馬也勅勞也則从束者爲擊馬之策从束者爲誠敕之敕觀整字上从敕可互證也若从來从力則洛代切爲勞來之勅陸氏不引說文而引字林殊不可曉至毛

氏六經正誤轉以所見監本作敕者爲非而以勅
之从兩入者爲敕法之勅从兩入者爲勞來之勅
不知以篆書言來字無从兩入者以隸書言來字
無从兩入者毛氏豈分篆隸爲兩字邪直霸上棘
門軍耳然卽毛說觀之知宋本固有作敕者故六
書故曰漢書猶皆作敕六朝始用勅字實當作敕
而引詩旣匡旣敕爲證也

不行也 釋文云本或作止不行也案止字贅

未光也 釋文光下有犬字攷證云大非韻不當有

以上
監

賁 釋文傳氏云古斑字文章貌今讀作彼寄反

皤如 說文老人白也案與交義合釋文引作老人

兒鄭陸作蹠荀作波非

賁于丘園 釋文黃本賁作世傳寫譌耳

𦵏𦵏 釋文在干反又音牋子夏作殘殘案說文𦵏

殘俱訓賊其義通也今人皆从又音非

以上賁

蔑 釋文荀作滅非

剝之无咎 釋文無之字音訓同案與訟卦訟元吉

文法一例石經有之字馮氏項氏謂後人所增

以膚 京作盪義支

得輿 京作德輿虞董作德車說已見小畜不必从
山附 說文增益也从阜者爲附婁今左傳作部婁
小土山也諸經段借非

不可用 安溪先生云此與豐三象傳用字皆害字
之誤於理最優以無古文可攷故增注以上

朋來 京作崩無義

反復 釋文芳福反本又作覆案當如字說見本卦
无祇 釋文音支辭也馬同音之是反韓伯祁支反
云大也鄭云病也王肅作禔時支反陸禔安也九
家本作覬字音支孫步升云此及坎卦祇旣平呂

沈字林五經文字羣經音辨皆从衣作祇唐石經
坎卦亦作祇案孫奕示兒編曰祇兩音音岐者神
祇之祇音支者訓適左氏祇以成惡注云祇適也
諸說紛紛以此爲定杜韓詩或从禾作祗此後起
字耳又六書故加畫作祗云敬也段借之義有二
易曰无祗悔詩曰祗自塵兮亦祗以異祗攪我心
傳曰祇取辱焉猶云徒爾也又止訖切今人作只
又詩云壹者之來俾我祇也祇猶敬侯也此於本
卦難通愚謂總只一字因神祇之祇借爲祇敬之
祇古人無適非敬遂借爲適往之適適有虛實二

義實則爲抵爲至本卦从此義虛則爲適爾適然
之適坎卦从此義戴氏所云只也說文分地祇祇
敬爲二正字通云祇與祇通六書正譌則祇敬从
說文其從氏者曰適也後人借爲神祇字別用祇
非禾始孰也俗用祇乃祇裯短衣也

頻復 釋文如字本又作頻頻眉也鄭作頻案說文
作頻云水厓人所賓埤頻蹙不并而止虞云蹙也
輔嗣注作頻蹙今孟子輦亦作頻半農易說曰頻
訓爲數經傳所無且屢失屢復無常之人安得无
咎頻古文輦玉篇輦字下云易本作頻也與同愚

案列子汝何去來之頻頻之从數義始此詩國步
斯頻說文引作頻不云自頻乃濱本字說文所云
水厓也

中行 鄭云爻處五陰之中度中而行四獨應初見
漢上易傳虞駿之曰四在外體又非內象不在二
五何得稱中行案虞說非二五稱中行取爻德爻
五是也三四亦得稱中行取爻象此及益卦是也
易無虛設字面當从鄭

有災 釋文作灾云本又作災鄭作裁案說文裁正
字灾或字災籀文今通易皆作災不必易

商旅 依說文當作商然諸經皆通作商疑古但段
借以其行貨無定向宜商度也又說文商訓从外
知內商人於物之苦良亦得此意茲仍今本

下仁 釋文遐嫁反案爻義仁乃指初在二爻之下

故云當如字讀與屯初以貴下賤義別

以上復

祐 釋文作佑云本又作祐說已見大有

以上无矣

輶 釋文音服又音福蜀才本同或作輻一云車旁

作复音腹車下縛也作畐者音福老子三十輻其

一轂是也釋名云輶似人屐又曰伏兔在軸上似

之又曰輶伏於輻上案一云是也集解从虞作腹

非

良馬逐

釋文鄭本作逐逐云兩馬走也姚云逐逐

疾驅之貌是鄭姚本作疊字也然據文法以單字

爲古

曰閑

鄭虞作日集解从之義優

童牛

說文作僮廣蒼作僮皆後起字說已見冢

牯

釋文陸云牯當作角九家作告說文云牛觸人

角箸橫木所以告人也集解从之惠云告古文牯

康成作牯云施牯於牛之犄足黽氏曰鄭作角非

也案作牯非爻義說文牛部有牯字云牛馬牢也

引周書牝牛馬義與此別惠以告牝爲一字亦非
當从九家本

獶 釋文豕去勢曰獶惠氏云獶豕有二說崔氏憬
曰豕本剛突獶乃性和雖有其牙不足害物褚氏
仲都曰獶除也除其牙也本義从褚據劉表豕去
勢曰獶韓非子豎刁自獶是也似崔說爲長愚案
牙之害物者多矣不獶之豕轉未見其然至正義
以褚訓無本引爾雅墳大防是防止之義謂古字
段借亦支曲不如引爾雅豕子豬獶獶文與童牛
爲獶其義的也

之牙

釋文徐五加反鄭讀爲互案雅雨堂本作互

廣韻曰互俗作耳乃知易本作互鄭時已从俗作耳故讀爲互後乃譌作耳耳六書故云互交木爲距也象形周官牛人凡祭祀其牛牲之互又掌舍設桂柅再重交木爲互所以限距今謂之行馬牛牲之互亦如之所以限其奔軼也韻會曰柅者交互其木以爲遮關也是互柅字通在本爻則小豕而卽有互以止之正與童牛之告一例王伯厚序鄭易轉以互爲康成改字之鑿殊失攷今行戶曰牙行又粘壁曰任客投牙向不識其作何解知

亦互字之譌耳牙驢本謂之互郎主互市事也見
宋孔平仲談苑及劉貢父詩話至牛人注以互爲
若今屠家縣肉格疏已疑之可弗淡論

何天 說文何儋也案此乃何字本訓借爲誰何之
何耳作虛字訓者非

輝光 釋文作輝惠氏云石經作輝張有復古編云
輝光也从火軍別作輝非案本說文漢書同

剛健篤實輝光日新 釋文鄭以日新絕句其德連
下句惠氏據漢書禮樂志文心雕龍張茂先勵志
詩證之又云家君謂新字讀斷與下文正賢天協

从之

能止健

集解从虞作健止不合卦義

多識

釋文劉作志集解同案志識皆古段借字並

通

以上
大畜

舍爾

釋文作尔通

虎視

集解从虞作眚案說文眚古文視然視非俗

字不必易

逐逐

釋文子夏傳作攸攸志林云攸當爲逐荀作

悠悠劉作攸盧氏攷證曰漢書敘傳下其欲攸攸

師古引易云攸攸欲利之貌攸亦攸之俗字虞喜

妄云攸當爲逐王弼等因之漢易皆不作逐志林
虞喜作舊作字林非案六書故引唐本說文云水
行攸攸也當从子夏以上

生稊 釋文鄭作黃虞仲翔曰稊也楊葉未舒稱稊
盧氏攷證曰說文無稊字毛居正謂當作梯亦無
證愚案大戴禮夏小正篇桺稊字與此正合至說
文爾雅皆有稊字若本無稊何由加艸作稊說文
更云从艸稊聲是不得謂無稊字矣據毛詩則莢
爲始生芽據爾雅則稊爲似稗艸據夏小正則稊
爲桺始生芽後人乃混作莢耳

末弱

釋文本亦作溺難通

以上大過

坎

釋文本亦作埒京劉作飲不必从

險且

釋文古文及鄭向本作檢非

枕

釋文九家作玷古文作沈非

樽酒

集解作尊案說文斝酒器也或从寸今俗以

尊爲尊卑之尊別作樽非是則加木爲樽亦後起

俗字也當从集解

納

音訓鼂氏曰京房一行作內惠云內古文知冢

二納婦同也从之

自牖

釋文陸作誘詩正義云牖與誘古字通用案

詩牖民義同誘故可通本爻爲戶牖之牖不容作誘也

祇 釋文鄭云當作坻京作視說文同集解从虞作視案非文義說已見復

寘 釋文劉作示子夏傳作湜姚作實非張作置案說文寘置也

以上坎

離 集解通作离皆段借字

洊至 釋文爾雅云再也京作臻干作荐說文作瀉音尊案今爾雅作荐旣取再義當从干震同

日昃 釋文石經作昃集解同王嗣宗本作仄案說

文作𠂔與周官本同从之

鼓 釋文鄭本作擊義同然當以鼓爲正依說文从
支其从支者爲鐘鼓字今混用非

臺 京作經蜀才作啞非今坊本作臺譌當从石經
作臺

嗟 集解从苟作差鼂氏曰差古文案古文省或借
差作嗟以爲本字非也

凶 釋文古文及鄭無凶字義亦通

突如 當从集解作𠂔音訓鼂氏曰說文作𠂔𠂔不
順忽出也从倒子易突如其來如不孝子突出不

容於內也或从倒古孚作𠂔云卽易突字京鄭皆作𠂔云不孝子六書故則云子生順如脫也子生必首先下許氏以順爲𠂔蓋不察其理如是則育與毓何以從去案戴說優

沱 釋文荀作池一本作施案說文無池字本作沱後作施又省作池今周官職方及禮器溥沱之沱皆作池此後起字

若 釋文作𠂔云古文若皆如此案說文若木之木作𠂔籀文加口加又而不便書故改从卉不如今本借說文艸部之若爲得

戚 子夏傳作喊案說文作喊加心加口皆後起俗字也字从戊俗作戊非

草木麗 草从說文作艸已見上諸經段借音義俱別非麗說文引作麗案彖傳言麗乎者不一因其爲百穀艸木而加艸則說文之誤也

平土 釋文王肅本作地亦通

兩作 說文兩二十四銖爲一兩兩再也易曰參天兩地據此凡从再義者皆當作兩

離王公 鄭作麗義同

王用出征以正邦也 釋文王肅本此下更有獲匪

其醜大有功也亦通

離以上

周易校字 五之二

卷第十四

毗陵王顧學

下冊

拇 釋文子夏作𣦵案說文無此字苟作母云陰位之尊集解从虞作母云足大指也鼂氏曰母古文然於諸經無攷茲仍今本

腓 苟作肥非艮同

憧憧 釋文京作憧案說文憧意不定也尺容切憧

遲也京非

輔 釋文虞作輔此說文後起字

頰 釋文孟作俠此段借字

滕 釋文九家作𦵏集解从虞作𦵏未合爻義案說

文滕水超涌也𦵏𦵏馬也口之騁辯猶水之沸滕
本當以滕爲正詩百川沸騰係段借程通騰非
咸

浚恆 釋文鄭作濬音訓鼂氏曰濬古文浚案說文
浚在谷部浚通川也浚在水部云杼也本無浚義
當从鄭

或承 釋文鄭本作咸承義淺

張恆 釋文張作震義同然通易爻辭除八純卦外

無見本卦上下體名者恐非說文作稽未詳以上

遯 釋文又作遂遯茲仍今本

係 釋文或作繫義同

好遯 釋文呼報反案當如字卽大象不惡之謂若

云有所好而能遯何不云有所係而能遯邪

小人否 當从鄭王肅備鄙反作否卦之否遯二陰

長否三陰長君子以遯爲吉小人則自此否矣剝

廬之義也晁氏作不非

肥 古作𦵏卽飛字九師道訓云遁而能飛吉孰大

焉張平子思元賦曹子建七啟皆作飛此焦氏竝

說本姚西溪叢話徐興公筆精載之惠氏復取焉
義可通茲从今本

慙 釋文王肅作斃荀作備音訓量氏曰備古文此
段借字案說文作備从之

以上
遞

羝羊 釋文張云羝羊也廣雅云羝羊曰羝案說文
羝牡羊也漢書匈奴徒武北海上無人處使牧羝
曰羝乳乃得歸師古注羝牡羊也羝不當產乳故
設此言示絕其事也

羸 釋文馬云大索也王肅作縲鄭虞作纍蜀才作
累張作縲音訓量氏曰古文作累讀爲縲案說文

纍大索也玉篇繫也廣韻係也詩葛藟纍之彼釋
文云纏繞也正義訓本卦爲拘纍纏繞於井象訓
鉤羸其瓶而覆之也字雖从今義皆从古至羸本
訓爲疲故左氏云請羸師以張之又曰余羸老也
豈有角觸藩而疲滅之理乎卽汲井之瓶亦有破
壞而無消疲皆當从鄭作纍鼃以累爲古文亦非
羸藟壘皆从三田若積累之累說文作𦉰他字可
云古文省此不然也惟遼初仍當作羸後儒或因
之致誤耳

大輿之輓

集解从虞作輦之腹釋文云本又作輻

舉非夫設輶所以行壯于輶乃見壯往之意與腹輻何涉邪

于易 釋文陸作場謂疆場也語類从陸與震大塗象合本義中轉不用何也旅上同

不詳 釋文詳審也鄭王肅作祥善也音訓鼂氏曰詳古文祥案詳祥字雖通在本爻則當爲詳審義

鄭王肅非

以上大壯

晉 釋文孟作齊音訓鼂氏曰說文作晉齊古文晉篆文晉今文惠云晉改爲晉始於蔡邕石經古或借爲齊鼂氏以齊爲古文是春秋齊晉無別矣案

諸經皆作晉音从晉省非無義可从也

度 鄭讀爲遮不必从

愁如 釋文鄭子小反云變色貌惠氏云俗音士尤

切釋爲憂愁之愁古無是音亦無是訓也愚案說

文愁憂也左氏曰易觀則民愁民愁則塾隘惠謂

古無是音訓殊失檢但鄭子小反當本作哀公問

孔子愀然之愀陸氏但據輔嗣本引之未詳校耳

鼯 案說文鼯五技鼠也能飛不能過屋能緣不能

窮木能游不能渡谷能穴不能掩身能走不能先

人與此爻象義無涉子夏傳作碩鼠集解依九家

亦作碩从之

失得 釋文孟馬鄭虞王肅本作矢九家同集解从

之義曲

自昭

集解从鄭虞作照非

以上音

夷于

釋文子夏作睇鄭陸同京作𦣻舉非篆文夷

弟形相似故易譌不知者乃復加目也

左股

馬王肅作般云旋也未合爻義

用拯

釋文云子夏作拊案說文與子夏合又作𢵿

徐以俗別作拯爲非是艮不拯彼釋文作承鼂氏

曰孟京王陸績皆作承今从子夏諸卦同

南狩 釋文本亦作守从之

箕子 蜀才箕作其孫步升云古其箕字通劉向作

荻滋非

蒞 石經集解作蒞加水譌以上明夷

嗃嗃 釋文鄭云苦熱之意荀作確確劉作焯焯案

焯說文大熱也引詩多將焯焯與此意合當从劉

據鼃氏鄭亦作焯荀非

嘻嘻 釋文張作嬉嬉陸作喜喜鼃氏曰喜古字不

必从

爰 依說文作恧惠也其从久者行貌然諸經皆作

愛亦無訓行者說文未可拘也與惡同例但當作

愛俗从爪非

以上家人

牛掣 釋文鄭作掣云牛角皆踊曰掣說文作𦍋之

世反

案今說文尺制切

云角一俯一仰

案本爾雅今說文作一角仰也子

夏作𦍋荀作𦍋劉本从說文集解从虞作𦍋鼂氏

曰𦍋古文𦍋篆文掣今文惠云掣本作𦍋或作𦍋

傳寫譌爲掣王弼遂讀爲掣曳之掣也案惠說是

但牛所以一角仰者非角自仰爲𦍋之有人掣之

是掣爲爻義不容竟作經文耳

其人天 釋文天剝也馬云剝鑿其額曰天程傳以

爲髡首之刑語類云天合作而剃鬚也案交義天指上言上爲天位也諸說非剃當作鬣

剗 截鼻也離艮合象艮鼻離戈兵故說文作剗亦作剗王肅作輓非

說之弧 集解作壺釋文云京馬鄭王肅翟子元作壺鼂氏謂案象數當作壺蓋離有壺象也說鼂从虞音稅愚謂易中說無稅音當取兌象爲說耳以上睽

宜待也 釋文張本作宜時也鄭本宜待時也惠云當有時字時與尤之韻尤古音來也以上

甲圻 釋文馬陸作宅文選蜀都賦注引鄭云皮曰

甲根曰宅宅居也集解从苟作宅旁注云今本作

拆从古文宅

古作宅

而譌愚案甲莩甲也从圻方見

解意若从宅爲根爲居何以云解又何須雷雨之

作邪蓋本圻字因傳寫而譌爲垞後并去土爲宅

也當从說文作塉集解注說適相反耳

以上解

二簋

釋文蜀才作軌案說文古文簋作匱又作匱

又作机今諸經通作簋仍之惠氏泥於从古謂渙

之九二渙奔其机机字亦古文簋机机字誠相近

然兩見左氏傳一則投之以机一則設机而不倚

上文無飲會事而忽投簋旣屬不倫又簋盛黍稷設之豈爲人倚邪

已事 釋文本亦作以虞作祀集解从虞案於義不可通

適 荀作顓非

懲忿 釋文作徵止也鄭云猶清也劉作激蜀才作澄案集解从虞作徵左氏云以徵過也惠氏曰古懲字皆作徵史記引詩荆荼是徵今毛詩及孟子作懲非也

室 釋文鄭劉作慎孟作性陸作峇孫步升曰峇古

愼字神廟本作脣不必从

欲 釋文孟作浴鼂氏曰孟作谷谷古文欲不必从

以上
損

用圭 王肅作用恒圭案恒圭公所執非以告公也

偏辭 釋文孟作偏仲翔同音訓鼂氏曰當作偏上

益

惕 荀翟作錫非

頤 釋文鄭作頤頤夾面也蜀才作仇案說文有頤

而無頤左傳有頤黃氏爾雅虵博而頤益見鄭本

爲可據

次 釋文本亦作𨔵或作𨔵說文及鄭作𨔵

且 釋文本亦作𨔵或作𨔵音訓是氏曰次且𨔵𨔵

古文

牽 子夏作𨔵義同

莧 案說文莧菜也从艸見聲與𨔵義合其从兔足

苜聲者乃山羊也讀若丸莧字从此釋文一本作

莞非

陸 馬鄭云商陸宋衷云莧莧菜陸當陸虞云莧說

也讀如夫子莧爾而笑之莧案今論語作莞陸和睦也蜀

才作睦案莧以宋說爲是訓陸舉非葢莧下溼之

物今生高平之陸正上六之象卽彖所謂揚于王庭者也

以上
古文

𡗗 釋文薛云古文作遘鄭同惠氏辨證曰案說文遘遇也𡗗偶也彖訓𡗗爲遇則當从古文作遘石經祿卦亦作遘蓋古文之僅存者顧氏以石經遘字爲謬此失攷耳

金柅 釋文云說文作柅云絡絲跌也讀若昵王肅作柅子夏作鋪蜀才作尼止也正義云柅之爲物衆說不同王肅之徒皆謂織績之器婦人所用惟馬云柅者在車之下所以止輪令不動者也王注

云枕制動之主蓋與馬同案爰無車象當从說文
盧云絡絲跌今說文作絡絲櫛

蹢躅 古文作蹢躅見釋文集解同案蹢隸作蹢說

文無蹢字但於蹢下云蹢躅當从今本

詰四方 鄭作詰惠云从說文京房當作告以上

握 傳作渥鄭蜀才作屋未合爰義

齋咨 釋文嗟歎之聲也案說文齋持遺也聘禮又

齋皮馬莊子吾以萬物爲齋送無有以爲嗟嘆者

虞作資亦非

聚以正 釋文荀作取以正音訓臯氏曰取古文惠

氏引漢書五行志證之或古文省也然易中娶已作取不必復混入聚仍之

除戎器

釋文本亦作儲又作治王肅姚陸云除猶

脩治案此說優荀作慮非

以上萃

升

鄭本作昇此後起字

允升

說文作𡗗升案加偏旁與諸經允字俱不合

鼃氏以爲篆文允不必从

虛邑

釋文馬云邑也案虛古文墟从土徐詩曰升

彼虛矣見於左氏者尤多馬說是也

以順德

釋文本又作慎非順取坤象不容易也

升

朱敝 依說文作市篆作𣎵石經从糸此後起俗字
當从篆

徐徐 釋文子夏作茶茶翟同王肅作余余集解从
虞作茶孫步升曰爾雅四月爲余孫炎本作舒茶
古舒字玉藻諸侯茶注讀爲舒詩荆舒是懲史記
作荆荼愚案攷工記斲目必荼寬緩以荼亦讀爲
舒从之

蒺藜 案唐韻藜蒿類當从石經作藜

剽削 荀王肅本作艱剽鄭云當爲倪仇京作倪削

非爻義

祭祀 釋文本亦作享祀義同但祭爲統名享爲以
下格上之辭非五所宜也

𦣻 說文無此字引易作𦣻𦣻攷𦣻本作𦣻爲木
相摩非音義𦣻虞作𦣻𦣻尙書邦之𦣻𦣻見引於
說文阜部唐石經作𦣻𦣻譌𦣻誤用當以𦣻𦣻爲
正而與本經適倒置未便擅易仍之

剛揜 釋文本又作掩案說文掩斂也小上曰掩與
此不合虞作𦣻集解从苟作𦣻爾雅釋言云𦣻蓋
也說文同攷工記曰棧車欲𦣻𦣻以𦣻爲揜古文

是也以上

射 程傳云注也荀作耶譌

鮒 釋文魚名也子夏傳謂蝦蟇案叔鮒孔鮒竝字

子魚以爲蝦蟇不倫士昏禮魚用鮒廣雅云鱣也
鱣本作鮒今吳中風俗猶然文選注引康成易云
鮒魚言微小也鮒無大者以爲小魚之稱固宜

甕 釋文作雍或古文省說文作甕陸氏引作甕與
周官交合从之今本依鄭俗

漈 石經集解作漈此後起字

井收 音訓鼃氏曰鹿盧收緝者也說本虞氏荀作

𦵏因四譌耳

勿幕 案勿係禁止干本作𠄎非

異乎水

范諤昌改水爲木不成文義

井以上

己日

漢上易傳讀爲戊己之己離納己也義切

相息

說文作熄後起字

草而信之

釋文一本無之字亦通

文蔚

說文作斐亦通

以上

其行

釋文下孟反案當如字

公餽

釋文虞云八珍之具也馬云饌也鄭云菜也

穀梁疏引馬云麋也案說文云鼎食當泛言不應

鑿指

形渥 孟作握鄭作剝集解从荀虞作刑渥云重刑也案於爻義未合釋文渥云沾也得之

金鉉 案說文舉鼎具也易謂之鉉禮謂之鼎盧云

鉉一作扁惠云古文作扁見儀禮注案扁同物異

名非古文也

鼎以上

億 釋文本又作噫同於其反辭也鄭於力反云十

萬曰億案爻當讀如論語億則屢中之億度也鄭

音是訓非六五同

躋 釋文本又作隋案躋本字後从阜

索 當从說文作素諸經作索爲繩索字段借非上
震

利永貞 案易言永貞皆有坤象此爻變互俱無永
字當作衍文

列 虞作裂六書故曰列沒墉也借爲陳列布列因
之爲行列本義奪於借義故墉列之列加衣案說
文列本作削隸變从歹分解也裂繒餘也在本經
列爲本字戴說是也

寅 釋文鄭本作贖孟京作𠂔荀作賢案周伯溫字
原作寅云夾晉內也借爲寅耶又借爲寅敬俗譌

作寅別作寅非案說文作寅云𩇑也正月陽氣動去黃泉欲上出陰尚彊象山不達𩇑寅於下也𩇑無夾胥肉之說而字首亦不從人未知周所本茲从鄭

薰

荀作動

虞云荀氏以熏爲勳讀作動

集解从虞作闕義曲馬

作熏案說文熏火煙上出也薰香艸也當从馬

有序

集解从虞作孚不合爻象

中正

姚氏小彭云小象上下文協韻當作正中愚

案正字當如本義作義文

以上艮

上于陸

本義云胡氏程氏皆云陸當作達其說始

於范諤昌義優但以爲雲路則古無是訓據說文
達爲始重文訓九達道爾雅亦云九達謂之達正
卦外無所隔閼之象與大畜之衢逵之飛一例顧
亭林以爲不協古韻似顧失之

以上漸

以須 子夏孟京作縛荀陸作孀無所攷證唐一行
曰須女之賤者與爻義合案天文織女爲貴須女
爲賤也

月幾 荀作旣非中孚同

承筐 鄭作匡案說文飯器筐也或从竹茲从鄭

有待而行

釋文一本作待時亦通

以上歸來

其配 釋文鄭作妃 鼂氏曰妃古文配从之

雖旬 釋文均也 荀作均 劉昫作釣 惠云古旬均通

愚案小象與均義不合

部 釋文鄭辟作菩 鼂氏曰菩古文部 案說文菩艸也 無加卞者从之

見斗 孟作見主 鼂氏曰主古文斗字 惠云古讀斗如主字 隨讀變故斗或作主 主非古文斗也 鼂失之

沛 釋文本或作旆 謂旛幔也 子夏作沛 傳云小也 鄭干作沛 云祭祀之蔽 滕 案說文蔽 滕作市 毛詩

加艸訓小雖本爾雅然於本爻及詩蔽芾之義未合不如廣韻草木駢蒼之說爲當从水非

沫 釋文云字林作昧云斗杓後星鄭作昧服虔云日中而昏也子夏傳云昧星之小者馬同薛云輔星也案古皆从日今本从水非義以子夏爲得蓋見昧更甚於見斗也

豐其屋 說文作𡩋其屋案因屋而加宀此與離彖因艸木而麗从艸一例俗字也

闐 釋文馬鄭云無人貌字林云靜也姚作闐孟作𡩋竝通案竝通未詳說文闐靜也徐氏云義只當

作昊張有復古編亦云不知所謂惠氏則謂闕當
作闕鄉之闕低目視也與闕義合不知其正與闕
意複耳不可从

則昊 釋文作昊云孟作稷惠氏盧氏俱云古稷昊
通今从說文與周官合已見離

天際翔 釋文鄭王肅作祥虞同集解孟喜云天降
下惡祥也平湖孫氏曰經文際字 殿版注疏

攷證引作降从之

自藏 釋文衆家作戕馬王肅云殘也鄭云傷也从
之 豐以上

得其資斧 釋文子夏傳及衆家竝作齊斧惠氏辯
證曰應邵漢書注云齊利也讀如齊衰之齊語類
亦主此說與上九同

其義焚也 釋文一本作宜其焚也義淺

喪牛于易 釋文作喪牛之凶音訓亦云从之以上

與 依說文作𢇛然他經傳無攷尚書與朕位及論
語與與之言皆與與卦義合而不作𢇛恐未可从
說文頭字下云選具也六書正譌謂與弔字同義
則亦不必分而二之矣

資斧 集解从荀虞作齊斧已見旅以上

麗澤

鄭作離義通但大象無襍他卦之名者

以上免

机

詩書三禮皆作几惟左氏投之以机設机而不

倚皆加木案說文机云木也與几別當从諸經

有丘

姚作有近非

匪夷

荀作匪弟案因形似而譌

以上漢

豚

黃作遯譌

爾靡

釋文本又作糜塤蒼作糜陸作縑京作蒯案

京本與爻義合亦與上和韻協以之

翰音

說文翰天雞赤羽也逸周書曰大翰若翬雉

一名鷄風周成王時蜀人獻之則翰非雞而鷄記

云雞曰翰音言雞之大音長如翰也爾雅作鶡說

文別有鶡字云雉肥鶡音者也欠分曉

以上中孚

亨小

釋文云絕句以小連利貞者非愚案文法通

易無此例陸特未明彖傳意耳

其茀

子夏作髴虞王肅同荀作紱董作髴鄭云車

蔽也案詩曰翟茀以朝當从鄭

繻

子夏作襦王廙同薛云古文作繻輔嗣注繻宜

曰濡程从之皆無據

衣袽

說文作需有衣絮云絮縵也子夏作茹京作

絮今从說文

極 與下吉節隔句取韻改作敬字非

以上既濟

繫 釋文字从設下系若作設下系者音口奚反不知所本

相盪 釋文衆家作蕩惟韓云相推盪案是古本作蕩韓始改爲盪也集解亦作蕩从之

運行 姚作違行非

大始 釋文音泰云王肅作泰案大如字謂乾元也故彖傳自屯以下元亨或作大亨元爲萬物所資始故云王本陸音舉非

坤作 荀虞作坤化非

而成位乎其中 釋文馬王肅作而易成位乎其中
集解同案成位乎中自主人言卽中庸與天地參
之意若易則時造化時人事下章明日三極之道
安得有是云邪

繫辭焉而明吉凶

釋文云虞本更有悔吝二字案

於文法不合但言吉凶自包得悔吝也

剛柔者晝夜之象 釋文云虞作晝夜者剛柔之象

案與上下文體例不合

易之序 虞本作象非

所樂 釋文音岳今从毛居正音洛是也集解从虞

作變義注

玩 釋文鄭作翫案與說文合从之

悔吝者言乎 石經作存乎不必从

天地之道 釋文集解作天下之道亦通然石經自

作天地釋文亦注云一本作天地仍之

俯 案說文作頻重文作俛今諸經以頻代規以俛

通勉而別作俯非

察於 釋文一本作觀於非

反終 鄭虞作及終集解从之義淺

不流 京作畱不合文義

樂天 虞作變天迂謬

範圍 馬王肅張作犯違不可通案說文範輶也范
法也當从水禮曰范金合土合此義

鮮 集解从鄭作𦵏案諸經皆作鮮由鮮潔借爲鮮
少義也𦵏字後人所造說文作𦵏不必从

成象 蜀才作盛象譌

效法 釋文集解作爻法音訓鼃氏曰爻古文效字
不必从

備矣 說文備慎也大有小象宜从之苟具也此宜
从之

也專 陸作搏盧氏曰左氏若琴瑟之專壹亦作搏
史記始皇本紀搏心揖志皆與專同然係後人通
借字不必从

禮 蜀才作體虞同集解从之不合文義

卑 釋文本亦作埤不必从

賸 釋文九家作冊京作嘖案說文亦作嘖集解同
左氏傳曰嘖有煩言从之

典禮 京作等禮姚作典禮非

惡也 釋文於嫁反荀作亞亞次也又烏路反鼂氏
曰亞古文惡惠非之以爲惡乃古文亞大抵二字

通也然據文義从烏路反作厭惡之惡爲得

形容 說文容盛也頌兒也一爲容受之容故从山

从谷一爲頌兒之頌故从頁从公今史漢猶多作
頌卽轉音爲歌頌字亦取盛德形頌之意宜更正
議之 陸姚桓元荀柔之作儀之非

作易者 釋文作爲易者集解同案下云作易者其
有憂患乎說卦云聖人之作易也此處不應獨異
當从今本釋文云本又云作易者知非後人所改
也

誨 虞作悔非文義

冶 釋文鄭陸虞姚王肅作野集解同惠氏曰鄭注
謂飾其頤而見於外曰野愚謂出無壅蔽猶野處
也案諸經冶字皆爲陶冶之冶說文訓銷古無有
以妖冶爲訓者从野是也

大衍 案太史公曰文王拘而演周易演衍通箕子
因禹疇而陳范謂之衍疇文王因羲卦而繫辭謂
之衍易其義一也宋儒因有衍母衍子之目又以
小衍與大衍作對非也當讀如太卜太筮之太

掛一 虞作挂五經文字从之與儀禮挂于季指合
後掛 京作卦云再扞而後布卦虞易同恐非

之策 釋文亦作策案諸經傳策策通用今仍舊本而伸 釋文云本又作信集解同案信古文伸惠云下繫來者信也以求信也皆从古文獨此从俗蓋唐以後亂之惠意謂宜从古是也

酢 釋文京作醋盧氏攷證云說文酢醖也醋客酌主人也後每互易京氏尚不失其舊此說非也案說文酉古文酒字昔酒爲醋此後人所造古但名醖諸經無醋字何從與酢混邪周官諸臣之所酢譌作昨形近故也此及童僮字皆與他經傳反似許失之但本文京已作醋是其誤又非始於叔重

也

如嚮 音訓鼃氏曰嚮古文響無據當从石經作響
貢 京陸虞作工荀作功未合文義

洗心 釋文京荀虞董張蜀才作先集解同音訓鼃
氏曰先古文洗惠疑鼃說謂古洗濯字皆作洒愚
案漢書百官表庶子先馬注引國語句踐親爲夫
差先馬云先或作洗也今職竟作洗馬則先洗字
通矣但洗馬洗字本當作先卽周禮王式則苒馬
士昏禮執燭苒馬之義本文古本作先自當讀洗
爲洗濯其心之義也古洗字作蘇典切故易混

能與於石經集解無於字亦通

立成器 案成器者一成之器也荀說漢紀引易云
立象成器蒞書翟義云蒞物致用立功成器不必
从

登疊 本或作疊疊荀虞作媿媿集解从之說文徐
氏曰疊字書所無易當作媿媿然字三見毛詩一
見爾雅一見戴記鳧鷖詩更讀作門漢書王莽傳
亦云疊疊史記夏本紀作疊疊豈得以字書所脫
疑之當仍今

莫大乎蓍龜 釋文集解作莫善惠氏謂漢書執文

志白虎通何休公羊傳注賈公彥儀禮疏竝同从之

又以尙賢也 鄭本作有以案諸經古有又通

默而成之 釋文集解無之字案於文法未合陸氏

云本或作默而成之宜从今本

以上繫辭上傳

而命 孟作明亦通

貞勝 姚本作貞稱當因聲近而譌

確然 从說文作霍音義見乾

隤然 孟作遄董姚作妥難通

像此 集解从虞作象案象古文加人後起字也

大寶 孟本作大保惠云保古寶字不必从

曰仁 釋文作曰人音訓同从之

包 釋文本又作庖孟京作伏案包庖未詳何義當
从孟京

犧 釋文字又作義孟京作戲案今人通作伏羲从
牛俗戲古文義史漢作處戲六書正譌作處虧處
伏通未知虧所據

觀法 荀作察法非

爲網罟 釋文無網字云黃本作爲罔罟案罔古文
罔加糸俗

以佃 釋文云本亦作田當从之加人俗

以漁 釋文云本亦作魚案从周官當作敷諸經傳

作漁脫水非

剡 字見尚書左傳及說文釋文集解从九家作揆非
非

剡 字見戴記及說文釋文集解从九家作揆非

服牛 說文作犗牛不必从

柝 說文及九家干本作櫟集解从之惠云今說文

又出柝字非古本說文也

暴客 本作暴集解从鄭作覲九家干本同案與周

官說文合左傳暴彼釋文亦云本又作疏知丹下
暴暴字鄭本同也

掘地 集解从虞作闕案闕古文掘

棺槨 釋文石經皆作椁加下坊本譌耳

像也 孟京虞董姚還作象集解从之加人俗

以存身 釋文作全身云本亦作存身義同

灰期 釋文作其集解同从之

不懲 集解从虞作徵已見損

知小 集解从虞作知少案小知見經不一況對大

言不合云少當因下力少而譌

力小 惠云石經作力少李鼎祚集解顏師古章懷太子南漢書注所引皆然从之

網緼 惠氏曰說文作壹壹張有復古編云壹从壺吉於悉切壺从壺凶於云切吉凶在壺中不得泄也案集解亦从說文義優釋文如今本云本又作𩇛𩇛皆後起字𩇛以網緼爲古文乃據漢書漢書未盡古文也

構 鄭作覲非石經作構从之

易之門 釋文云本又作門戶邪字賸

不越 說文作不越然走部仍有越字當从今本

因貳 釋文鄭作式案說文式古文二此紀數之名
與本文無涉爾雅釋詁云貳疑也書曰任賢勿貳
詩曰無貳爾心皆作貳當从今本

屢遷 集解作婁惠云屢俗字當作婁漢書皆然與
說文徐氏說合从之

三才 石經作三材非

侯之 音訓鼂氏曰王昭素云賸侯之二字必王輔
嗣以後韓康伯以弄錯溫公曰王輔嗣畧例曰能
研諸慮則侯之衍字也說之案虞翻亦作諸侯則
其謬已久矣

以上繫
辭下傳

兩地 惠云兩當从說文作兩蔡邕石經亦作兩兩
乃斤兩字見漢定陶上林諸鼎已見離

觀變 釋文一本作觀變化非

六位而成章 釋文本又作六畫非

烜 說文烜爲燿重文釋文作暄云本又作暄音訓
作暄从之

潔齊 石經作絜案絜古文潔詩絜爾牛羊禮絜靜
精微並同从之

妙 說文無妙字鄭王肅作眇孫步升曰眇古妙字
見陳君閣道碑愚案史漢亦多借眇而李夫人傳

妙麗獨作妙眇从少目於義未安茲仍今本

撓 石經从木惠云坊本作撓非

燠乎火 說文作燠乎離徐本作燠集解如今本作
燠仍之

水火相逮 釋文作水火不相逮云鄭宋陸王肅王
廙無不字愚案石經集解舉無不字以義理推之
水火惟相逮乃成既濟若加不字則未濟矣如何
能變化既成萬物邪

爲豕 京作豕亦通

齊 京荀作柴義同

駁 說文駁爲馬色不純非乾義集解作駁爾雅云
駁如馬倨牙會虎豹說文同於健象爲切从之

爲吝 京作遴已見家

爲龍 鄭讀爲尨虞千作駝集解从之案廣象有與
上重出者諸儒多改其字殊支鑿

專 釋文云本又作專如字虞同姚云專一也案說
文專本从寸云布也石經改从方虞姚係傳寫之
誤而異其說集解从之非當从說文

箕 釋文或作琅通未知所據

萑 石經作萑案說文萑艸多貌从艸佳聲萑小爵

也詩曰萑鳴于垤雀鵲屬萑亂也當从說文作萑
的 說文作駟亦作的石經从白非

反生 釋文豌豆之屬反生戴芋甲而出也虞作阪
云陵阪也惠云反古阪字案反雖通阪此處不得
作陵阪說以於震義無取也豌豆一作麻

爲臭 王肅作爲香臭案諸經臭字汎以通於鼻者
言之無有連用香臭字者王非

爲工 量云鄭作墨未詳

寡髮 虞作宣馬作寡鄭注考工記作宣茲仍今本

爲廣 鄭作詣非

白眼 石經作白腹謁

矯 釋文一本作矯字見周官

輶 宋哀王廙作揉京作柔荀作橈案集解亦作揉
義同京本乃古文省也荀非

弓輪 姚作倫非

亟 荀作極音訓鼃氏曰亟古文極非坎以剛中故
於馬爲亟心乃趨亟之亟若作極訓如何案解邪
乾卦 案乾取火象鄭云當爲幹董作幹豈鄭時便
以幹爲乾亟之幹如六書故所云邪當闕疑

鼃 釋文作驚云又作鼃案从魚俗陸及石經並失

之

羸 京作螺姚作蠡案螺古作羸見周官仍之

蚌 釋文本又作蚌俗

科 虞作折宋同集解从之非

槁 鄭作橐與說文合从之干作煬非

果蓏 京作果墮鼂云墮古文蓏字案漢書又作墮

不必从

狗 集解从虞作拘蓋以狗爲重出也不必从

黠 鄭作黠案古作鈐鼂云說文無之屬二字不必

从

爲堅多節 釋文一本無堅字集解同案堅字不應

少

羊 虞作羔云女使鄭作陽云此陽爲養無家女行

賁炊爨今時有之賤於妾也案亦以羊爲重出耳

說支

以上說卦

故受之以履 集解下有履者禮也四字音訓鼂氏

曰王輔嗣畧例所引下有履者禮也一句誤入註

中今補

有大者 集解作有大有不可通

有无妄然後可畜 鄭本妄下有物字荀同見集解

不必从

人居其所 集解作久於句較自然从之

反其家 石經集解作於家亦通

洩必有所遇 石經集解無所字从之

以上序卦

豫怠 京作治集解从虞作怡不必从

飭 釋文鄭本玉肅作飾石經集解同案飾飭通見

漢書在文義當用飭字

豐多故 釋文衆家以此絕句惠云坊本下有也字

非

憂 鄭作消干同集解从之案不協韻

以上漢卦

受業校刊姓氏

李復來心咳

王成鈺盆生

陶履璇醴泉

管琢圻映軒

汪筠印之

李頴英望

黃繩啟企曾

黃昌慈咸甫

趙植庭樹三

史福臻彙五

族弟佐左宜

男霍延荷新